



Broj: 01,03,03/11-05-1-1199/26

Sarajevo, 10. 6. 2026.

**KOLEGIJ PREDSTAVNIČKOG DOMA PSBiH
KOLEGIJ DOMA NARODA PSBiH
KOLEGIJ SEKRETARIJATA**

Predmet: Izvještaj sa službenog putovanja – 7. sastanak lokalnih lidera Kine i zemalja centralne i istočne Evrope te Međunarodna sedmica saradnje i razmjene prijateljstva s gradovima Shandonga 2026. godine

Zamjenik predsjedavajućeg Predstavničkog doma Parlamentarne skupštine Bosne i Hercegovine Marinko Čavara boravio je u Narodnoj Republici Kini od 20. do 28. maja 2026. godine zajedno s delegacijom, povodom učešća na 7. sastanku lokalnih lidera Kine i zemalja centralne i istočne Evrope (China–CEEC) te manifestaciji „Međunarodna sedmica saradnje i razmjene prijateljstva s gradovima Shandonga 2026“.

Posjeta je realizirana u provincijama Jiangsu i Shandong s ciljem unapređenja bilateralnih odnosa Bosne i Hercegovine i Narodne Republike Kine te jačanja saradnje u oblastima privrede, obrazovanja, poljoprivrede, tehnologije i povezivanja lokalnih zajednica.

U provinciji Jiangsu održan je sastanak s generalnim sekretarom provincije Xin Changxingom, tokom kojeg je razgovarano o mogućnostima unapređenja saradnje u oblastima privrede, investicija, poljoprivrede i novih tehnologija. Istaknuto je da Bosna i Hercegovina i Narodna Republika Kina već više od tri decenije njeguju prijateljske odnose zasnovane na međusobnom poštovanju i saradnji.

Delegacija je posjetila Institut za poljoprivredu, gdje su predstavljena savremena tehnološka rješenja i modeli razvoja poljoprivredne proizvodnje, kao i mogućnosti buduće saradnje između stručnih institucija dvije zemlje.

U gradu Zhenjingu zamjenik predsjedavajućeg Čavara prisustvovao je ceremoniji potpisivanja Sporazuma o prijateljstvu i uspostavljanju sestrinskih odnosa između Općine Busovača i Grada Zhenjinga, koji su potpisali načelnik Općine Busovača Asim Mekić i gradonačelnik Zhenjinga Xu Shuhai. Tokom sastanka s generalnim sekretarom Gradskog odbora Komunističke partije Kine u Zhenjingu Wu Qingwenom razgovarano je o značaju povezivanja lokalnih zajednica kao važnom segmentu ukupnih odnosa između dvije države.

Delegacija je također posjetila Univerzitet Jiangsu, gdje je razgovarano o mogućnostima razvoja akademske saradnje, uključujući razmjenu studenata i nastavnog osoblja te zajedničke naučnoistraživačke projekte.

U okviru programa posjećene su i privredne i javne institucije, uključujući kompaniju ARCFOX, proizvođača poljoprivrednih mašina i vatrogasnu brigadu grada Zhenjinga, gdje su predstavljena savremena tehnološka i organizaciona rješenja.

U provinciji Shandong održan je sastanak s članicom Državnog vijeća Narodne Republike Kine Shen Yiqin. Razgovarano je o mogućnostima daljnjeg unapređenja političkih, ekonomskih, kulturnih i obrazovnih odnosa između dvije zemlje. Tom prilikom potvrđena je opredijeljenost za nastavak razvoja prijateljskih i stabilnih bilateralnih odnosa.

Zamjenik predsjedavajućeg Čavara učestvovao je i na 7. sastanku lokalnih lidera Kine i zemalja centralne i istočne Evrope, gdje je u obraćanju istaknuo značaj povezivanja gradova i općina kao temelja za razvoj privredne, turističke, kulturne i obrazovne saradnje. Sastanku je prisustvovao i ambasador Bosne i Hercegovine u Narodnoj Republici Kini Siniša Berjan.

Posjeta je rezultirala jačanjem kontakata s predstavnicima kineskih državnih, pokrajinskih i lokalnih institucija, akademske zajednice i privrednog sektora. Poseban značaj predstavlja uspostavljanje sestrinskih odnosa između Općine Busovača i Grada Zhenjinga, kao i unapređenje saradnje u oblastima privrede, obrazovanja, poljoprivrede i tehnologije, čime su stvorene pretpostavke za realizaciju budućih zajedničkih projekata i daljnje jačanje bilateralnih odnosa Bosne i Hercegovine i Narodne Republike Kine.

Izvještaj odobrio:

Marinko Čavara

Zamjenik predsjedavajućeg
PDPSBiH

Izvještaj pripremila

Olja Golijanin

Dostaviti:

- naslovu
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Ministarstvu vanjskih poslova BiH
- Sektoru za međunarodne odnose i protokol
- a/a